






原件短缺

P1上半页



人之處境有順有逆順者雖有萬里之遙恒見其逆則近在咫尺愈覺其艱請爲君歷歷陳之晦堂爲書友南州同學哲嗣南州少習舉子業能文章輒試不利棄而就武成進士

聖祖仁皇帝欽點御前侍衛出入

禁中

眷注日深尋以邊地需才出爲陝西漁渡路游府轉西安撫標右營旋陞甘州營叅戎時值軍興之際兵民賴其鎮撫著有勞績屢次籌策機宜上書大吏願効力軍前以報

國恩竟置不報一片忠誠末由上達賫志以歿良可悲也是時晦堂生甫三齡隨母扶櫬還里六歲出就外傳聰穎過人苦志力學及弱冠有文歲在甲寅甘藩行文來浙爲其先人任內辦駝核減開欠一案咨取家屬到甘對簿晦堂鮮兄弟躬當行而有母在堂無人侍奉屬其室進甘旨問寒煖纏綿悽惻賦詩而行抵甘州見其先人居官之地隋淚之碑撫今追昔觸目傷心又賦述感詩八章人咸稱歎不置事未得白遠客孤踪留數載會

今上即位詔賜豁免而還一門悲喜交集豈非晦堂平

日純孝上天默佑得邀意外之

恩也歟晦堂錄別述感二詩之外凡天時之寒燠日月之晦明風雨之作止山川之修阻道里之險夷古跡之存廢風俗之淳澆物產之同異人情之厚薄與夫友朋之離合贈答譙會各有吟詠夫以鏗竒磊落之材遇此窮愁落莫之境即慷慨悲歌一一寫其憂憤何不可者而乃斂才就法清新綿麗句酌字斟合乎風人溫柔敦厚之旨其卓識遠見自不同矣歸家後益自奮發淹貫羣籍補博士弟子員教授以養母指日當飛騰吾雖衰老可與君共拭目俟之吾知晦堂之大端細行居心行事有如此君以爲然乎否乎客曰誠如叟言則許子可謂孝子也已客別去爰即是日問答之言呵凍書之以爲序乾隆辛未仲冬娛村老農朱稻孫

晦堂詩鈔卷之一

嘉興 許燦 衡紫

燉煌集

將赴甘州留別

駕言出門去去去居延陟萬里豈云遠我心多傷悲殘
秋氣蕭索匹馬倉皇馳生平弧矢願遂愆晨昏時古人
感將母藜藿時念之念之竟何益此行詎能辭願言加
餐飯三歲爲歸期

羣鴈忽相失一鴈裴裒鳴物微豈足道感此中宵聲繫
余本秋士二十身無名伶仃遘急難維持仰諸兄一旦

去鄉國羣處變孤嫠乖離誰不惜况我同根生豈慮不
終逢此時難為情

庭花殊姣好當別無顏色念我道阻修欲留不可得亦
知聚為歡豈曰好跋涉離筵旦乍開征舸暮俄即揮手
自茲去武威更張掖我馬非八蹄君身乏雙翼安得長
相逢言之增太息

逢逢天際雲分飛各西東合者一以乖別去何時逢東
髮事交結所期白首同當杯發長歎四野生悽風贈言
不在多含意無終窮茫茫天地間我獨為飄蓬相思邊
月苦愁上三危峰

吳苑行和飛卿

十二珠簾雙燕子平明齊逐鶯聲起齊門日出越門雨
青舫紅橋香十里五湖山色畫屏開夕陽芳草重低徊
長洲苑裏東流水曾載西施歌舞來

錫山

潮落寒塘酒乍醒風帆催別幾郵亭故人忽到烏蓬底
一笑龍山九點青

金山

莽莽奔濤勢中流一柱安江山并飛動吳楚入闌干日
落魚龍戲天空鸛鶴盤瓜洲橫笛起雪浪湧高寒

京江夜泊

長江浩浩稱天塹歲晚霜清萬木凋幾欲褰裳登北固
更誰抵掌話南朝雲間鐘梵黃昏出畫裏樓臺白下遙
此夕孤舟眠未穩海門風急上寒潮

邗江

邗溝今夜水孤艇破江雲秋思紅橋晚嬌歌綺榭紛暗
潮通寂寞明月下烟燼未盡隋家柳西烏昔昔聞

伍大夫廟

鴟尾千載後遺廟野橋孤行客感窮士當年快壯圖揚
波猶怒越激電不忘吳白馬來荒忽傳芭笑女巫

再題伍廟

誰使夫人辱闔廬臣心那不媿包胥獨憐進諫章華者
白首重泉恨有餘

迫厄初聞窮劫歌蘇臺又見蔓生多空勞勸立波秦子
日炙風飄怨若何

滁州

飄零不定葦花秋且駐征鞍上酒樓紅樹清溪落殘照
一時涼思滿滁州

穀陵

古嶠關在望不丁上峻嶒風雨連三晉河山拱二陵地

仍天險扼塵逐役車騰不見秦師入千秋一拊膺

驪山

繡嶺東西雲髻堆寒花松柏寂寥開餘香莫問華清水
飽食山頭麥飯來

華嶽

關中霜宇高太華聳寒色不知幾千仞滅沒雲氣塞蓮
花開未開萬古無消息空翠落人間寤寐盪胸臆

華陰廟雜詠

柏抱椿柏抱槐

涼颼搖古柏歷亂椿槐影雷雨爾何來石上衣裳冷

青牛老樹

初九迹終遙

龍潛初九牽秀頌老子語也

何時繫牛住紫氣至今留

長籠嶽陰樹

卷石生雲

但見朝雲出不見暮雲還應向三峰裏濃堆玉女鬟

唐玄宗碑

輦路迷秋草碑亭帶夕陽石牀雲拂處猶自憶霓裳

雲拂

石牀霓裳可接碑中語

咸陽

水北山南駐夕陽畢原高望景蒼涼黃分三輔宮圖盡

白徧叢蕪輦道荒舊鎬有人悲黍稷古墳無地卧牛羊
衰蘭送客猶千里易灑銅仙淚兩行

柳

天涯古道柳成行攀折多歸馬上郎莫道別離心事苦
婆娑此樹已堪傷

亭口曉行

響狖穿層嵐明星宿高崦曉寒山更深僧扉定中掩

邠州水簾

琤淙瀉寒瀑珠簾織縷縷何處急風迴吹作前山雨

彈箏峽

瓏玲空峽響風泉何似桓伊指下傳最是西堂謝安石
一時淚灑十三絃

平涼道中

已作蕭關客寒衣寄尚無西風催繫馬秦女解當壚衰
柳不堪折歸雲祇自徂書臺渺何處舊隱問潛夫

涼州

絕險河湟路嚴城暮寂寥萬山趨塞曲匹馬逆風驕白
麥寒原盡紅鹽古澤遙霸圖餘想像雙闕舊岩峩
空闊五涼地英雄百戰場河聲猶鬱怒山勢故飛揚漢
月笳中沒龍城雪外長關西亭障遠何處著燒當

甘州元夜

笳鼓滿邊城春風處處生最憐今夜月偏向異鄉明

送顧伊人之肅州

西去心何壯離亭日又斜辭家已萬里分手復天涯黑
水沉鴻影黃風落棗花高堂他夜酒腸斷爲胡笳

沙棗

擔杖兒童解擊枝狂花落盡覺春遲桑陰綠徧江南水
正是紅蠶入簇時

送別

隴頭水咽馬連嘶哀哀黃沙道易迷舊是征人腸斷處

如何更向玉門西

甘州述感

弱冠去鄉里控轡臨邊州我昔誕生地于役此重休曩
今旣殊候衰盛可自由春風吹舊林寓目含新愁春言
懷先德涕淚交頤流

吾家守儒業累葉爲清門先人出童齒文藻雄詞壇十
七不得志翻然厭儒冠聯翩青雲上二十陪朝端三十
仕興漢四十辭長安甘州實要地三品非卑官 仁皇
有殊遇感激難具論如何清宴朝邊境猶難難
居延鄰絕塞澤旺忽跳梁 王師事撻伐鏃騎逾燉煌

孔道駐營壘大吏坐堂皇道遠馬罷敝願易廐中良是
時甘營卒西征正相當言出衆志怒倉卒思披猖怡顏
告大吏嚴氣靖戎行千言辯反覆事寢安故常上以勤
國事下以全北方

慷慨報國計老成濟時才籌邊策縷縷制勝謀恢恢經
權酌今古事勢陳精該書成上執事郵筒積塵埃矯矯

劉中丞

黔撫軍
蔭樞

傾心歎殊材貽緘特鄭重願交締陳雷

檢觀篋中藏撫膺有餘哀

中堂喧擊鼓飛符夜深到輓輸利用馳徵債爾惟効奇
貨民間居成賈詎能操眼前雖可醫身後非所料當時

急公事臣職奚足道司農覈贏餘本以懲不肖吁嗟甕
牖間有懷向誰告

軍書日旁午食息鮮寧晷不暇奉旨甘況復顧妻子任

重身自勞心竭病肯起痛哉書不報不遂馬革死

先子
上書

請効死疆場
賁志以歿

藐余未三週終天恨靡已郭門出黻翬白

衣冠載市嗟彼征者妻哭送不能止感人一何深桐鄉
得母似

有司給軍食出納弊所生信手作高下往往起鬪爭慨
焉申良法用概始得平宿弊一朝革非徒惠邊營此中
有經濟弭釁在未成

重來念疇昔事往十七載桃李不更榮日月肯相待當年少壯人十室九何在南山自峨峨北河自浼浼摩挲墮淚碑呵護得真宰負荷恐未能庶幾策駑駘

登甘泉樓

甘泉寺外甘泉水飛構凌虛架上頭丹青古壁生寒氣葦荻春叢似暮秋仗雨闌風最蕭瑟落花飛絮自綢繆飄零異域猶今日觸忤離情是此樓

佛影石

甘州圓通寺

郭門以南得古寺虛廊旋折花茸茸破除懊惱叫快絕側見片石閤庭供若碑無字不三尺諦審肌理尤麤庸

指點靈妙出老衲古貌樸澁扶方筇銀牀轆轤響深井沃以新汲呈竒蹤前方盤陀坐大士眉目細寫慈悲容白鸚鵡飛更生動旁有貫甲天神從達磨西來幾千載耳孫各自宗其宗豈怪頓漸互擾擾潛影石背韜神鋒禪家色相故無有天繪何意留纖濃描摹鑱刻不可到下拜急作顛米恭我行秦山攬勝概無過華嶽三竒峰焉支削成紅瑪瑙合黎秀出青芙蓉區區片石妙亦爾來看定可回羈慵惜難遠比鬱林載歸壓行篋誇吳儂

行路難

園我以黥黥之河山眯我以黃黑之風色堅冰滿地雪

滿天振衣出門行不得長安良家俠少年從軍慷慨出
祁連獨屯右地繫左賢直取金印肘下懸不然輸粟朝
實邊高官之拜夕可俟顧盼裘馬生光鮮笑爾偏側何
為然歡戚本不同貧賤無英雄人生自古貴遭際布衣
行步難爲工君不見飄蓬逆風鮒失水行路之難有如此

肅州鐘樓寺

巖巖酒泉郡歷歷梵王宮鐘樓寺最古丹雘聳玲瓏攬
袂升崇臺蜿蜒凌虛空震方懸古虞斑礮神氣充亮非
百年物珍重彞鼎同神異述在昔厥初浮河中糝糊饒

鳥篆不知來何峰人傳沙州野地下有鳴鐘掘地不得
見但聞音響洪胡僧爲人言兩鐘別雌雄聲聲相呼應
氣類陰陽通譎詭叅然疑微妙詎能窮不遇博雅流焉
知造化工

鐘樓寺謁故肅州道胡公

仁治祠

陽秋迭嬪運節序儵以變薄遊叩招提旅懷賴茲遣側
望胡公祠遺像閼荒殿衣冠就剝落雙眸炯如電竦息
來階墀瞻拜淚盈面猗維宏達才粲粲東南彥酒泉資
整飭仁聲布謠諺六師方西征戎事最明練先人昔同
事情好久靡倦一時推材能儕伍莫敢先患難相周旋

交情死生見無何罌彈文吏議獲重譴流離化異物空
祠寄僧院饗臺竄狡鼠梁泥隋離燕荒涼有如此湘繫
復誰薦

錢思震惠哈密瓜

久識秋瓜美筐攜遠贈將浪遊真萬里快副復新霜品
合晶盤貯饒憐越客嘗東陵有舊約歸夢五湖旁

聞鴈

萬里霜前鴈孤飛塞上秋哀笳聲不混涼月影同流夢
斷荒城戍風淒水國樓音書那可寄脉脉兩含愁

六月

東風薄暮急六月冷於秋一夜荒村雨行人被鹿裘

出塞

虛作還家計寧辭出塞勞春陰喧蛤蚧夜帳酌蒲萄土
壤流沙盡山峰聚雪高據鞍真失笑戎馬一青袍

獬狔煩周將燉煌拓漢邊驅馳烽火外憑弔戰爭年有
水皆名海無山不倚天琵琶彈舊曲新怨入鵑絃

苦寒行

振策長城外飲馬交河旁地高苦寒凍在昔爲伊涼四
月塞柳青八月塞草黃驚飈號戰壘羶塵迷大荒祈連
太古雪溽暑凝輝光重裘有時御况乃肅秋霜紅爐燃

烏栗攪榆圍曲房火酒猶在尊鬚冰已戟張如何出門
去甘向道路僵飛蓬隨風飄歲晚神彷徨聽我歌苦寒
紀實非荒唐貧賤作行客不如返故鄉

漢唐紀功碑

周郎從軍越絕塞好古所至窮蒐羅古碑出見豈偶爾
鑿地竟得雙嵯峨叫呼合力百夫曳沙沉土蝕勞刮磋
頽鐫漫漶顛顛失會意剝落重摩挲廼辨紀功屬兩代
維唐貞觀漢永和唐楷千字什存七漢篆反得全文哦
亟求良工搨細細貽我遠道馳明馳南窓展紙映晴雪
快讀數過捐沉疴永和二年秋八月呼衍王等尋干戈

雲中裴岑敦煌守將兵三千歌凱歌海祠剏立表萬世
遺蹟莫攷何山阿高昌國孱梗唐化不異池水興微波
奮威赫赫三總管摧彼精甲棄則那功成旬日勒銘紀
駢麗大抵傷繁夸惜哉殘闕費思索側想補綴終慙他
漢唐爾時正全盛文章亦復超白科楷筆瘦硬篆高古
五季以下疇能過越數千載不終秘疑有鬼物與護呵
考稽前錄漏收載太息金石沉埋多方今王師討反
覆蠢爾澤旺尤么膺元戎頻年駐蔥嶺鐵騎昨夜踰交
河捷書旦夕刺閨上殄滅梟獍刑非苛要須武功紀邁
古君不振藻其誰何卷還豈藉作粉本鴻詞早寄毋蹉

跼

苦賈

月令訓始秀占書辨先生苦菜類非一紀載各有名邊
蔬應節候仲春已敷榮浩浩沙土黃雪際抽叢莖采采
薦饔飧冰盤翠盈盈誰謂甘如薺作苦愁飢饉奈何纖
微質不能順人情物理昧推究滋味嗟窮氓此間本瘠
壤積歲苦用兵目擊衣食艱安從計庖烹比聞 天子
聖已罷西師征嘻嘻婦子樂飽飯專躬耕敢言苦賈苦
爲菹貯餅罌

河西雜詩

故國休屠地壯哉馬頭凝望障塵埃全秦鎖鑰三邊重
萬里金湯五郡開蔥嶺雪迷青海子火山雲燒白龍堆
單于莫遣穹廬近漢室新遶衛霍才

曠騎河西處處通舊傳兵甲滿湟中詞臣善頌元和聖
小雅仍褒吉甫功策府丹書猶昨日戰場紅柳自秋風
此邦文獻渾難問夜夜秦時月浸空

郭外秋林樹樹霜西風憑弔幾斜陽賦才磊落昌高殿
霸氣消沉宣德堂無復黑龍鱗甲幻空傳白雀羽毛祥
銘功莫問嫖姚石不獨傷心是五涼

朔方獨受黃河利上郡全臨紫塞雄五路未成韓范績

雙渠猶指漢唐功南樓袞冕倉皇甚大夏干戈寂寞同
問訊靈州城下柳官軍妒殺短條風

日落長城絕續間堠臺迢遞玉門關地形遂斷匈奴臂

山色能增婦女顏驚蟄有雷春亦度郭定襄甘州詩地寒經歲不聞雷今

殊不然矣防秋無戰馬常閑遠人佇遣梯航使迷迭穰輸貢

不艱

六月祈連雪未殘塞天空闊阜雕盤黑風草草疑無晝

白日堂堂祇有寒西極若徠千里馬東封請用一泥丸

山川自昔饒形勢遺種楸槐欲賦難

一去冰橋道路長酒泉要郡舊名疆西王近下三青鳥

穆滿空歸四白狼割據霸圖憐漢晉酸辛邊調譜伊涼

羈愁欲上高城望戈必茫茫接大荒塞外無水草處謂之戈必

何年沿塞植黃榆歲歲榆錢着地鋪秦代築城非上策

前朝棄套豈良圖悲笳入夜天應老戰骨沉沙海共枯

一自失侯邊釁動須知博望是狂夫

衛所嚴城錯犬牙晝長軍府鼓頻撾邊丁日課屯田麥

使者星馳屬國瓜地下有鐘還入塞沙間無樹可看花

淒涼莫更吹蘆葉羈客宵來已念家

大將專征統六師波羅長雜屈茨吹龍沙埽雪秋馳馬

兔魄凝霜夜照旗別酒空吟蘇李什歸人能誦漢唐碑

使星忽下班軍 詔思婦刀環定可期

題凱旋圖

長城渺渺接天山宛馬明駝絡繹還三十萬人齊踴躍
果然生入玉門關

么膺反覆敢相爭復見班師次第行指點關門諸父老
當年青海幾鏖兵

戰袍裹血驗刀瘢羽燄飄搖鐵騎寒猶有防秋留戍客
莫教寄與再三看

刀環愁望十年存解甲歸來感 至尊一事圖中有遺
恨沙場白骨未招魂

午日

歎息靈均逝何人弔獨醒汨羅那可問醺酒讀騷經沿

陌草頭白當門柳眼青

土俗是日取
新柳插門戶

蓄蘭懷往事怙悵

短長亭

長城

一綫區中外長城迹未湮舊連雞鹿塞遐弔虎狼秦斷
續山兼水淒涼月似銀東風吹又徧白草暗門春

送北川還豫

隴頭嗚咽水月下莽蒼山此際聞羌笛何時入漢關行
人芳草外嘶馬夕陽間尚短旗亭柳明朝忍折攀

周九座上賦大德銅瓶

野人開屯亦集乃銅瓶出見溝塍間入眼已嗟制度古
拭土忽露青花斑猪肝色久轉紅潤持獻枝官開笑顏

正書九字足邊凸

大德三年七月日官造

大德官造文班班折枝

欲插轉縮手盃前弔古膽不豚杜鵑啼徹天津月白鴈
南飛更衰瑟十六天魔舞正酣紅羅障裏真人出建德
宵奔劈正沉端明議散興隆歇寶玉空留劫火餘都作
金陵庫中物別駕山前鬼夜號此瓶幸不終埋沒土蝕
沙侵幾百載摩挲博得今人愛花枝忍向此中看花開
花謝增長嘅

塞下曲

藍城烽火接瓜沙都護安西道路賒紅果灘頭須駐馬
白龍堆外更無花

落日蕭條古戰場千羣鐵騎壓沙黃大營西出無唐戍
魚澤花門盡故鄉

戰士如濤夜解圍星門梟俊靖金微漢朝不惜封侯賞
急遣明駝奏凱歸

鐵馬寒風日日秋繡旗獵獵捲蚩尤何緣身作平安火
一夜東還過肅州

明妃

宮裏佳人絕代無含愁何限下金鋪一時畫苑風流盡
誰寫君王惜別圖
馬上風流塞上春曲中心事畫中身明堂亟建安邊策
弱質難爲制敵人

關山月

關門一片月戍客未還家鐵甲秋乘障雕弓夜枕沙天
山照古雪羌管落梅花誰念高樓上刀環祇自嗟

夜話同朱輯峰

苦愛山陰道湖光鏡不昏琴邊高士宅花裏美人村應
接我誰與風流汝獨存空將卧遊意相對玉關門

五雜組

五雜組八方旗往復還戍安西不得已嫁生妻
五雜組玳瑁石往復還運邊麥不得已屯田策

秋夜

萬里黃雲盡孤城皎月過人歸故園少夢入早秋多烏
鵲飛金析星辰轉玉河高堂今夜望寂寞意如何

贈桐溪

藥竈連茶竈書城更酒城天涯老逋客風味舊諸生俸
薄官難達心閑詠易清環滁林壑美猿鶴遠含情

天末

朔風吹萬里天末幾人過
首宿原歸漢牢蘭遠入河野
鳥依樹少邊草得霜多
自有燉煌樂相隨笑復歌

丙辰除夕用少陵杜位宅守歲韻

惻惻今何夕逡巡剪燭花
澆愁憑宿釀衝雪警栖鴉
歲去依更盡星寒上鬢斜

今年二十二
已見二毛

茫茫感逝景况復

在天涯

我里塘橋西塊之許家弄內有旗杆石四云是許參戎中式進士舊第
也當先生甘州歸屋猶賃他姓後始返己今則屋只一椽石亦無致

晦堂詩鈔卷之二

嘉興 許燦 衡紫

燉煌集

蒲桃酒歌

蒲桃杯裏蒲桃酒香起
潁波爲君壽當前不飲奈樂何
門外雪花大於手君不見華林凋落晉宮秋
西母雲軒幾再遊爲惜十年藏大宛肯將一斛換涼州

肅州嬉春詞

南郭晴嬉作隊遲春光多逗杏花枝射夫愛賭明流子
遊女能彈火不思

火不思彈不是現
玩思同公異名

城裏棗花無數開
十十五五討春回
珠丹乞得誇遊伴
知自劉師祠下來

雜蔬詩爲馬大永章賦

馬時娶
婦塞外

薤

舊愛仙人服還耽
夏簟呈棄捐殊可惜
肉食鄙平生

紅藍

五月種晚花清秋好
顏色采采作燕脂
與婦助妝飾

蔓菁

細根花亦好紫白壞垣生
莫以貪奴婢多將種九英

瓠

八月下微霜斷壺不盈碗
驕我賣瓢錢驟添五十萬

瓜

十字通長巷牛車輦及秋
漫驚大如斛地是古瓜州

菜

誰將佳種錫新翠數畦連
白壁君何愛還償娶婦錢

塞上行

塞門六月霜花冷鐵甲無光
雲壓陣髑髏袞袞泥沙間
戰血凝作胭脂山手提玉節
三尺水赤驢夜馳一千里
金鑣却斃青駱駝左右賢
土夢中起夢中起去如雲漢
家今用飛將軍

九蓮寺

寶界越龍沙仙陀絕衆譁雪山當戶落智殿入雲賒舊
址殘碑紀新名一字加初寺之始得殘碣土中銀鐺響
風鐸夜夜和哀笳

明霜

高嶺仍餘雪窮邊別有霜那從穀雨斷更逐暑風揚月
令交中伏天行異此方驕陽雖杲杲寒氣轉茫茫未露
何由凝經時始復藏實偏先駟見明可掩星芒絕異廣
延碧平遮大漠黃自緣殊物候不信繫災祥初見驚初
客潛蹤避曲房長辭河朔飲禦冷檢衣裳

蘇農官歌

威虜農官其姓蘇碧眼暴突如胡雛紅玉作面銀作鬚
堂堂七尺修且癯少時讀書不求解志在武奮羞迂拘
酒酣手縛白頰虎大笑李廣非壯夫獨提千金迫羣盜
矛刃擊刺攢頭顱鼠子齷齪乃敢爾格殺不異屠犬猪
意態雄傑膽力麤自謂將帥可立致數奇所向皆窮途
荷鉏驅犢氣凋喪中野仰天歌嗚嗚春秋八十已有餘
秋毫入眼無模糊九泥作彈向飛走一發往往疊雙鳥
消磨壯心亦偶耳孫曾拍手爭懽呼今年戟門試馬射
伎癢亦復彎雕弧豈須攀鞍忽騰上磬控要駕纖塵無

僕姑九發必中的乞公暫緩愁鼓奴拱手少年今老矣
馬前百輩誰能如惜哉少壯我未見見此爲汝長嗟吁
天生此材何爲乎

招清溪

大車小車禾始登東渠西渠水已冰行人策馬渡復渡
酒客提壺能未能場盈便可掘黃鼠草淺兼欲呼蒼鷹
君如不來且覽鏡坐愁行歎秋霜增

聞蟬

秋氣薄高林幽蟬嘒嘒吟漫聲空院落離緒塞垣深冰
雪如堪語夏蟲不可語冰而塞上六月不廢霜雪冠綏不可尋最憐涼雨

歇虛爽豁煩襟

酪

次藥曾聞阿母呼爭憐方法曝熬俱人因失所嫌羶味
嗜豈無情貶酪奴漢將漫勞燒煨蠡佛筵不廢供醍醐
鄉關風物增惆悵千里萼羹滑未殊

董孔林山水障子

董丞任傲酒膽豚畫理往往追荆關半酣落筆寫平遠
大抵神注江南山此圖意象變沉鬱對之使我無歡顏
峰嶺雄悍樹倔強意在張掖燉煌間燉煌張掖荒涼極
六月酸風日煎逼已愁積雪滿祈連更忍虛寒生素壁

兩來慘慘疑有聲鳥飛茫茫安得食澗邊一士貌甚古
低壘石牆高結宇宋纖郭瑀不可作耽隱何人復堪數
曾聞董丞昔待詔花竹翎毛特娟妙豈知山水更絕奇
幽閒鬱壯還兼之精神迫出筆墨表聊草亦令心情移
我家山水尤佳境越尾吳頭劇清迴絕塞相思夢寐勞
乞君更寫江南景

趙將軍招飲同敬修

戎馬功名易白頭雅歌猶見舊風流城環金墪軍威靜
瓜薦冰盤客興秋韻險偏能拈競病禮寬真解愛羊求
戍樓角起啼鳥散莫遣糟牀酒更篋

屯上雜詩

遼絕孤紅山山下由來地不毛居民招澤鴈野食佐苜蒿
開闢先除棘艱辛更賣刀只今稱沃土莫忘始基勞
井廛多散處雞犬遠相聞美利收閒壤豐年感大君
春田仍火耨夜水驗香分莫緩登場計纏頭謂皮禪魯古慶部落
放馬羣

冉冉秋成候青稞熟最先東屯更西壩社火接賓筵地
僻官徭省民勤土俗賢漸聞興學校絃誦及康年
講武本農事番徭况錯交豈徒嚴族類早爲備魚休鼓
氣擾勦健精心步伐教須爲意外慮看汝作前茅

九日同人威虜城登高

秋老龍沙節序催側身高步女牆隈沈浮南國雙魚斷
嘹唳西風一鴈哀海內論心年獨少尊前聽笛首重回
家園亦有茱萸會兄弟何人笑口開

鄉信

鄉信經年絕行蹤萬里遙自嫌歸計誤不敢怨洪喬

懷友

蜀道千山外秋聲獨客邊巴南今夜雨知爾不能眠

玉山堂對雪用坡公聚星堂雪韻

燉煌八月木無葉苦風吹隋寒空雪野雀老烏飢正喧

空堂破帽清尤絕經時着物忽已離六出如花那堪折
行人大道住復住宿火圍爐滅不滅夜來戍堠角遏響
夢轉胡床被重掣吹上龍沙溼漢旗眩生花塢圍宮纈
疎窗寂寂進餘點凍几頻頻掃乾屑已嗟地理總模糊
不解天心尚飄瞥君如不悅酒可置臣當此景餅能說
豈徒才薄畏題句筆硯遙愁冷於鐵

歌席

雲藍雙袖撥鞞婆醉客春生金叵羅江國夢回飛鴈早
燈前腸斷小叢歌

新聲歌罷各逡巡同是東西南北人聚散明年定何處

深杯傾倒莫辭頻

雜詩

明王體萬國建官惟賢才尊卑相聯絡庶事賡康哉黎
民實邦本若苗須滋培五刑法寧廢用之存矜哀軍興
邊吏瘁羽檄紛塵埃權宜設練總芻糗委督催末流妄
尊大勢燄凌等夷繁纓飾乘馬颯沓前驅來平民輒鞭
笞號呼聲如雷侵官本非義把持出庸材一指大如股
刑禮兩失之何繇告守土此類宜亟裁

回紇固強暴在昔踞西土自從李唐來數數爲邊苦

皇威赫然震羈首就鎖斧湛湛雨露洪郡縣賜散處皮

禪魯古慶兩部置威虜裸體教衣裳耕屯予特牯酋長
授世職儀制視官府昔一不滿百及今殆千數陰險梟
獍儕咆哮虎狼伍況復雜番彝兇頑而好武何以慎羈
縻經綸裕宜素非類心必異瘋憂得毋腐

八政殷惟師有備軍之志先王勅良法甲乘出田里後
來惟府兵爲得古遺制有役行負戈還復荷耒耜農富
兵亦強餉省獲戰士次之團土著其法起宋世明興募
壯丁遇警備驅使文成撫南贛保甲行不弛且能遏寇
氛不獨衛鄉鄙有司得其人訓練出實意不然循空名
奉行等兒戲邊烽苟有虞何以勤 國事

營平報國計持重策屯田敷陳十二便轉運始息肩流
傳洵良法阡陌開窮邊茲方本斥鹵招戶流民前燒荒
力樹藝歲納計盈千奈何地遼遠灌溉不得先上流必
需足始得分涓涓天寒雪消緩駸駸患無年貧民惟見
利墾辟猶未悛裹糧厲畚鍤足胼手亦胼畝增水不足
是用懷憂煎

寒夜逸少宅炙野馬肉下酒

食經名品列瑣碎未見野馬充廚庖老饕得此笑拍掌
燈明手辣操鸞刀春秋熊蹯用肺煮小雅兔首宜燔炮
解人讀書善觸類方法豈藉廚人教地爐通紅獸炭烈

炙牀穩置火夾交斯須翻覆次第熟意度輕重醢鹽調
是時冬令正多雪冰花密灑等蜩毛屏除浮白更何事
味美得一嫌他餽腹饒筋錯恣大嚼愛之遑復論腍尻
此馬大抵亦龍種超躍山澗過猿猱野性不受世羈絡
霧鬣獵獵霜蹄高當其雜與虎狼鬥力猛往逞過雄虓
駕馭定可日千里惜哉不與伯樂遭火鎗一發勢莫禦
雖有材勇無能逃渥洼神駒近來少駑駘迺得糜芻茭
放杯太息出門去雪擁馬腹僧鐘敲

送曹漁山自楚還江東

秣陵歸興苦相催握別須臾盡此杯三峽殘陽魚復冷

九江秋水鴈聲哀囊空故國何人問歲晚天涯有夢來
寥落羈懷長憶汝題詩應上鳳凰臺

玉山堂小飲贈敬修

當門張雀羅衙齋晝清永東風惠然來墨花連簾影故
人高陽徒酒酣憶鄉井不見楚山青煙波洞庭冷

雨雪曲

飛雪明雞塞西風凍鶴關邊聲吹不起寒色滿天山交
水乘冰渡長弓帶溼彎三秋防突騎報國敢思還

果單

張掖叢楸樹清陰俗慮砭九根諳古法萬顆亞低檐細

摘邊娃慣輕攘素手纖霜華愁拂裏火齊笑盈檐杵臼
安排預籃筐決澤僉碓餘還屏滓煎處不加鹽端正標
風格通明映日暹山川生秀潤人物幻莊嚴畫豈丹青
假書多篆籀兼形模偏安貼滋味轉和恬側理原非紙
斜紋或類縑酸甘嘗并作紅紫色無嫌已訝查饒俗翻
憎橘餅甜美從回後得清合醉時拈物產輿圖貴歸期
旅客占輕裘方寂寞正可百翻添

定羌廟弔奮威將軍

戰場衰草駐斜曛拂拭殘碑見舊文終古邊陲思頗牧
平生功業感風雲雍梁轉鬪無堅敵張趙同時孰冠軍

猶有荒涼遺廟在里巫鉦鼓日紛紛

紅城

凌兢驛路暮天晴倦旅垂鞭夢忽成瘦馬乍嘶寒似水
不知明月下紅城

臯蘭渡冰橋

霜風阻流澌一夕遂寒冱鐵纜解方舟行人踏冰渡鐘
冷隔河山烟凋出城樹銜恤望江南魂銷子山賦

送張衛還江東

久廢功名外長貧鳥鼠間主恩真不薄垂老得生還
顛顚無相識艱難問故山終憐有令子詞賦動江關

旅感

眯眼黃塵獨掩關到窗新月照愁顏家當越絕由拳塞
人在秦風板屋間木杪秋聲零白露樓頭歸夢識青山
微生也沐恩如海倍遣門閭望早還先人任內核減
官逋奉旨豁免

超然臺晚坐

嶽麓春陰重風軒暮雨過桃花不知處西澗落紅多

臨洮雜詩

垂楊垂柳碧烟籠六月涼生處處風欲問龍興唐代寺

何人同詠木香叢

岑參有龍興寺玄上人
房同詠青木香叢詩

巨人蹤跡渺平沙赤水城荒落日斜
百里南關回首望數峰空翠聳蓮花

燈屏高拓綠紗窗油碧行春隊隊雙樂府新詞誰第一
至今猶說鄧干江

洮流湍險走黃河渡口行人喚奈何昨夜堅冰已有信

朔風吹起水珠多

洮河冰將合先有小冰凍圓如彈子蔽水而下俗呼珠子凌

劉侯三惠至今傳

宣德中郡守劉昭

得似容城謫吏賢

楊椒山先生

吟遍東山好詩句翰林

王學使雲錦

風格最翩翩

驅犢齊耕嶺上田種糧官計借明年打門老吏催徵急
上戶先輸賣褐錢

胭脂嶺北盡寒雲十八盤山雪未分莫近扶蘇墳側住
妖狐叫月不堪聞

南風五月試單衣不似甘涼暑氣微倒著接羅城北路
張將軍第看花歸

皋蘭登木塢

木塢亭亭上金城漠漠秋仰窺晴昊逼窮眺壯圖留山
挾關門險河纏塞曲流濤聲迴鎖峽嶺勢走涼州阻隘
三秦倚窺邊萬馬愁禹功迷鳥鼠周道卧羊牛寂寞雙
蓬鬢浮沈一芥舟不知班定遠天際更封侯

游五泉

城居久混迹身世兩拓落懷哉五泉美窈窕富巖壑清
晨戒僕御首塗出南郭吾與二三子欣言理前諾秋深
天微和晴宇澹寥廓漸遠闌闌囂甫覺靜可樂慮遣神
始舒爽迎氣尤作緩策行威遲依林坐盤礴悠然見真
面抵掌懦夫躍

皋蘭山雄峭奮發勢直上羣峰羅兒孫肅肅拱其長一
徑沿紆迴向背紛百象我行舍鞭弭登陟策筇杖霜華
媚敗葉石氣蘊新爽野花不拘時妍麗出莽蒼峨峨竺
乾居選勝屏塵鞅日光到金碧太虛兩摩盪境超信忘
疲興至更獨往涉目有餘美觀物發遐想百年亦瞬息

一生屐幾兩之子期不來毋乃負幽賞

謂董培良

好山無流泉神氣隱枯槁本乏生動機何繇豁襟抱耽
茲靈秀區澄潭出幽討瓏玲逗石罅琤琤寫林表烟中
螺翠浮草樹潤清曉遂令勞勞心洒然蠲九惱枕於洗
耳宜歌愛濯纓好永懷卓鞭者望古意綿渺

志稱霍去病擊敵至

此卓鞭於地而泉出

紅柳

塞垣柳色漲紅潮不見長條見短條此去玉關猶萬里
那教攀折不魂銷

車道嶺

僕夫戒途遠夜半起束裝荒雞雜鈴鐸繁星尚流光平
原快馳騁俄然聳高岡才于上岡去頓折心旁皇俯窺
悸虛壑前睇憎車箱輓轡無斷絕迫窄行旅妨黃沙捲
山風閉口不得張迢迢念宿店數數瞻斜陽山木自言
壽不能識四方浮雲自言樂不能識故鄉矯首見飛鳥
浩然遊八荒朝朝翔寥廓暮暮還榆枋

六盤山別張文

道左孤城別天西匹馬還頓窮千里目同上六盤山嵐
景朝昏異生涯去住艱他鄉重離恨揮淚酒杯間

崆峒山

朝經平涼郭迎面青芙蓉上有萬古雪照日光曛曛蒼
蒼樹如薺變隸重雲封山椒不可見秀色橫天空堯時
雙阜鶴棲息此巖中仙人相應接獲覩非凡庸已聞胎
兩雛往往唳秋風我欲跨此鶴一謁天帝宮軒然周八
極瞬息還江東廣成爾何人恍惚無由逢

渭南

曉雪不化水星光散村屋颯然清響來娟娟見修竹

硤石

南陵高與北陵齊古道霜風鳥不嘯獨唱鷓鴣驢子背
夕陽紅到亂山西

新安弔呂忠節公

山水新安縣清蒼抱漢關地靈鍾間氣國士出人間著
作河源討聲名太華攀歲寒表松柏生世值時艱
嵩雒古形勝兵家戰必爭如何專閫外只自固襄荆坐
使泰階坼先令帝子烹白頭名義在忍值一錢生
宵旰焦勞日殺面震蕩餘中原正多事閒殺老尚書才
足危時仗生艱政府居向來開濟意泉下恨何如

詠古

郤水官償進酒餘千金竭瀉九龍渠石人莫是門亭長
驗取東西脇下書

中郎妙筆石經磨三字重刊較若何帳裏分書空仰繫
九花叢下故碑多

文學筵前擁麗姝玉聲金色拜擢瑜就中狂殺華林隸
亦有陳王入座無

嵩山却負帝城圍佛寺真憐晉代希閭闔宮前香似霧
一千餘像散花歸

承露盤高鐵鎖中飄飄金鐸響天風官家舊有登臨禁
未許分明見內宮

金狄摩挲感萬端旅人橋外朔風寒芙蓉老盡秋蘭死
給廩蝦蟆也不官

偃師

撫父堆前月正明何來縹緲夜吹笙紫雲樓閣闌干曲
應有仙人控鶴迎

少陵墓

落落詩人墓青山寄首陽艱難未江酒寂寞浣花堂一
飯存忠愛羣兒敢謗傷吟邊何限意魂魄未應忘
靈武倥偬日漁陽戰鬥時依人竟白首震世有鴻辭指
顧風雲發生平稷卨期百年歌獨苦心跡至今悲
太白山東傑同時實比肩微官俱不戀直道本難全科
第看流輩文章壓後賢浮湘與栖蜀何似夜郎天

成皋

天鎖中樞舊險存武牢塵土旋風昏玉門關下纔生入
愁向成皋問玉門

滎陽

金堤風急捲黃河上馬停杯奈酒何清眺不愁花柳盡
夕陽樓外好山多

清流關

崖險陡然拔杖策凌巖關落日澹平楚孤城秀羣山懷
古極蕭瑟披襟羅屏顏暝禽感勞者一一烟中還

滁州

明堂詩金
環滁林壑迴清和歲晚霜風杖策過烟外荒亭渾入畫
酒邊小鳥也能歌定教華髮悲他日

永叔憶滁州句主
人不覺悲華髮

如此青山奈客何回首韋公題句處澗西幽草至人多

姜家渡

野水蒼於叢荻斜陽紅到虛林欲渡正愁風急吹來

片寒砧

暝色乍催嘶騎寒津遙指橫舟目斷河波渺渺歸心已
逐東流

瓜步除夕

破帽疲驢萬里來江干除夕獨裴裒六朝城郭猶殘雪

一樹風花又早梅客夢孤懸瓜步鎮濤聲寒上妙高臺
竹西歌吹南徐笛併入羈愁亦可哀

奔牛

水程翻策蹇古堰尚犇牛竹外破梅萼江南多酒樓暖
增衣漸重春淺雪還留渺渺烟波暝吳娃慣盪舟

還家即事

喜覩慈親健能勤病婦同豈無懸磬日真有伐檀風思

子餘殘淚

前年殤
子璣

還家亦寓公

時借居婦
翁李氏宅

悲歡情本異

交集一宵中

媚俗慙無具裝輕老僕嗟困人還儉歲知已有寒花回

首年華改驚心道路賒先疇如不廢長此力桑麻

光緒二十一年其後商並卒無祀將約同人送粟至入馬家祠

以若選刻柳里詩輯之功

修公李君能謹告

晦堂先生尊翁名雲龍郎集中刊去未畢

晦堂詩鈔卷之三

嘉興 許燦 衡紫

擊汰草

不厭竹居早梅

水邊竹屋篆烟斜冰雪清暉屬謝家霽景滿窗喧凍雀
疎梅先試臘前花

春柳

春光駘蕩滿晴川促放柔條樹樹烟眉意漸開殘雪後
離心欲動早鶯先垂垂淺碧籠芳草濯濯風流愛少年
紅板橋頭休悵望銷魂多在酒旗邊

雨絲晴縷總依依覆徧輕陰綠漸肥上馬客愁橫吹動
封侯人去幾時歸從教踈地因風起莫便漫天作雪飛
回首昔遊真浪迹玉關三月淚霑衣

初夏

殘紅飛盡雨如烟薄醉吳姬酒肆前憑仗筇枝扶懶癖
水村新綠已無邊

飲酒

出門不識路悵悵奚所之長抱離居歎值此殘春時庭
花豈不佳徂謝忽若茲徂者日以積來者安可期賴有
一尊酒幽窗獨自持

性本愛邱壑不耐城市喧結廬何必廣遠隱南村偏溪
曲有餘爽林深如在山亦有嶽嵴士壺觴相往還君醒
我已醉日暮俱忘言

朝辭南溪宅薄遊西村道相逢北窗人舊是東鄰老飲
泉餐松花顏色不枯槁招我共飲酒道旁亦爲好旨哉
忘憂具丹棘未足寶屢空庸何傷得意在言表

迢迢中山道廼有賣酒宅飲罷分手行三年濶踪跡一
醉類長歸家人累歎百詎知酒力醒神氣轉充澤此釀
生不逢掩書三歎惜

吳江曉行

落落星初散 瞳瞳日漸暉 聽殘一夜雨 開處幾村扉 岍
滑烏犍健 湖深白小肥 餘寒偏料峭 四月戀綿衣

無錫

客愁殊渺渺 暮色但蒼蒼 船近毘陵捷

錫船板重不山及禾船之速

隨驛路長 牆藤藏古寺 窑火逼官塘 索和無相識 清吟
祇自狂

每到梁溪路 淹留忍遽還 古藤淮海墓 落日太湖山 紫
氣籠金匱 花風引孟灣 來尋舊遊處 吟眺未曾閒

舟中讀采山堂遺文

前輩文章在 蒐羅爨火餘 紬思米肆雜 瀏覽客舟虛 潔

以叅司馬閒 能辯魯魚歸 逢親友話 應索枕中書

品泉

有御碑

亭子慧山麓 名泉千古存 方規清濁判 碑碣帝天尊 未

必江州讓 曾經陸羽論 擘窠五字重 猶說趙王孫

天下第二

泉額文 敏書

無錫章山會葬外祖健松王公感示表弟

霆

九龍第三峰 形勢鬱岩堯 上有萬松樹 望之如蝟毛 高
者業礙帽 低者纔及腰 怪鴟鳴不歇 狐兔奔或跳 累累
古塚墓 其下多賢豪 人跡所罕至 日暗風蕭蕭 粵惟外
王父家世簪 纓饒骭 麟不得意 慷慨遊薊遼 二十爲詩

賦填詞尤傾曹紙貴長安市禍且延芭蕉 九重願一
見名盛 仁皇朝奈何時命乖擲掄路鬼嘲巍科久始
掇一邑操牛刀靈臺古密國城郭山之坳催科考政拙
姓氏彈文標貧窮復老病困跡萬里遙著書手不輟日
盡繼以宵舅氏未三十先赴修文招登樓徒悵望去國
恒悲號吁嗟小子燦獲見時垂髫嘗隨阿母後索食牽
衣嬌一旦別顏色關河阻迢迢前年赴甘肅迂道靈臺
郊壤垣不掩牖門徑叢蓬蒿匍匐拜牀下涕淚盈青袍
爲道決歸去終觀廣陵濤斯言猶在耳六見邊月高生
還遂無分僅迺歸靈輶靈輶歸何所祖塋茲山包踰年

釀金集窀穸經營勞形家度曰吉井井辯穆昭采石西
山顛買磚南城窰移棺屏黃土藤蔓根錯交穹碑傳永
久我銘煩鐫雕故山公所戀兩世新阡牢披髮駕雲軒
應隨風飄飄不如柳下壟令禁莫敢樵庶幾昌黎文編
纂李漢叨海寧張素臣文既慙類袁筠兼媿傳孟陶含
辛感親故抑亦悲影泡百年會有盡長埋無昏朝哀此
王公孫孑然承宗祧生無立錫地借枝等鷦鷯修名恐
不立夙夜尚自劬

虎阜

我生願學行脚僧心無罣礙逢山登天有洞天地福地

芒屨蹋遍千峻嶒每苦興健足力輒手拄萬年之老藤
嗟此虎阜古名勝昨者乘便登臨曾山靈愛客逢屢至
但有歡喜無嫌憎花枝酒幔風細細金精水氣光瞢瞢
怪石堪拜煩老米媚蝶欲畫慙小滕凭高縱目襟宇豁
山勢遠近羅峰稜彼中佳景定殊絕身乏雙翼愁飛騰
買山之資何處得人生適志且擔簦快哉今日樂莫樂
勞殺布韞青行滕夕陽忽隨吾將返紛飛俄見蟲薨薨
月明如水耿不寐起賦詩句閒鈔謄

過太湖

我欲登縹緲峰綠毛仙者行相逢我欲叩林屋洞龍威

丈人如可從不然木奴徧種山西東致富寧但通侯同
何爲乎偪側復偪側瓜皮艇子筍皮蓬上有狂飈掀下
有急浪衝具區周迴三萬六千頃縱三百里橫二百勢
吞溟渤混鴻濛我獨曲躬屏息於其中仰見眾船來巍
峨萬斛容尾橫巨網亘數里峭帆六七飛虛空水中曲
房不見水柁樓漁女雙頰紅約臂金跳脫搔頭玉玲瓏
塗妝綰髻高等天上坐笑指我船猶蠨螋我船利涉尚
輕快愛汎綠水揚芳風柔櫓嘔啞雙槳捷任意宛轉花
溪通豈如今日困簸盪篙飛席舞愁舵工乃知萬物鉅
細各有宜違才易地皆無功嗟汝乘風破浪之長技但

使移置小湖淺水將無窮

洞庭山用高青邱韻

三十六千頃太湖洞庭高插青天孤白波無際湧空翠
皎如碧樹出冰壺東西井社戶盈萬雜以耕漁兼販夫
子孫生長自云樂所得山趣猶皮膚橘市分金魚入饌
但解衣食無逋租豈知道書絕珍重洞天第九仙所呼
邃穴四支遠通達龍宮奇麗香泥鋪波濤聞聲反在上
靈氣恍惚非人途金庭玉柱久凝結石竅棲老千年鼯
別有天地跳日月直以冬夏爲朝晡神鉦鏗鏗自擊撞
紫芝挺挺無榮枯疏鑿功成多圭錫怪物下守五靈符

上窮縹緲望無極豈止近小常湖蘇石壁題名悉巨手
雖蝕風雨文能摹下視行舟如一葉布帆馳驟飛鳶鳥
綵毛仙人去何所肯屑出我紅塵汙但聞人言輒嚮往
書策具載良不誣生平自許愛山水衣犇食走嗟頭顱
幾能移家此卜宅上悅老母攜妻孥飛騰旣少壺公竹
行空那乞王喬鳬願得妙手顛癡迂巨幅爲寫洞庭圖
負移不藉命夸娥遐怪何假尋香爐歸懸素壁勞奚奴
烟雲變化乍有無日長靜對時盧胡

聖因寺

臨水朱門豁達開離宮高聳法王臺佛幢颺處陰陰樹

半是先皇到日栽

賢王祠

碧瓦丹楹入望遙
親藩祠廟迴凌霄
宮牆不鎖春光住
吹隋飛英玉帶橋

錢王祠

羅平惡鳥不成妖
王氣錢唐亦黯銷
寂寞城隈祠宇在
月明愁聽海門潮

野外

寂寞還人外
敝廬信廬釣游樂
志論耕讀補農書
宿雨花明岸
新泥燕定居
看成上番竹
虛翠更籠疏

題畊隱先生園居

觀稼堂

村村穠稔香擊壤
千家喜力田而逢年
不及農之子

浣花居

庭前花羅羅
日移簾影通
真息漢陰機
抱經復抱甕

巢軒

瀟灑衡茅際
深沉竹樹交
羽毛終自惜
高寄信天巢

柳池

垂垂池上柳
相映色逾青
一夜風飄絮
新添幾箇萍

送趙丈之楚

卒歲僧廬已寂寥
津亭風景更蕭條
重來衣馬人非舊
別去關河凍未消
日暮窮途誰問訊
年衰獨客轉飄搖
漢江直下東流急
便寄雙魚勿憚遙

寄懷李元孚

五年浮海去不寄
一書來懷抱誰知
已登臨自越臺南
天原少雁十月已
看梅想到清吟處
猿聲定可哀
迢遞無諸國臺灣
更海東依人行未
定弔古意何窮頗
怪居遊異遙憐寂
寞同仙源吟賞徧
遲我幔亭中

沈藍村先生墓下

市南三里近舊隱
沈藍村佳樹過春
雨野禽啼墓門風
流如不死菽祭已
無孫尚有遺書在
名山孰與存

萊畦先生故宅看海棠

海棠三十樹樹樹
豔朝霞高會幾春
酒東風空好花聞
鶯曾有夢歸鶴更
無家寂寞梅南地
重來感物華

夏日村居

撲面南薰那得涼
徘徊溪畔數新篁
白頭野老愁相語
五月高田未插秧

樹蕪無能祇自嗟
圃師花匠任人誇
清芬忽到軍持側
乞得鄰家白藕花

曲曲溪流勢蜿蜒
漾葭灣口劇清漣
村居一事差堪喜

先生祖居在布
坊許家街內自
甘州還依婦翁
李詩言漾葭灣
口是也掛檢族

不費街頭買水錢

炎威并日熟來禽兩兩青蟲絡樹陰高柳夕陽纔過雨
又添山鳥弄清音

苦瘡

我生未四週便苦瘡在首短髮薙復薙欲辮不可紐初
喜瘡可纔忽訝化生陡或漸被於頸或黃緣在手或延
肘内外或擁乳左右或下達於脛兩股爲最久或如明
珠圓或若青錢厚或若蚌出曝胎露不合口或如蝸未
枯流沫黏壁醜或向背異勢或小大雜糅或聚若布基
或散若曳帚或剗爲鋒先或繼若勁後或贅若秦壻或

龍形甚多

孤若阮婦或綠若玻璃或赤如瑪瑙

乃后切

或直若釵股

或滋若蔓草

此苟切

或凸若甌螺或凹若壑臼或比若魚

鱗或紛若狸風或外若蟬蛻或中若螳擾

忍九切

或暫若

行旅或久若房老

朗口切

或來若踐諾或去若脫負或皴

若觸寒或黯若積垢其涎濁而腥其癢堅以黝瘡思長

爪爬痛苦利刀剖完膚忽潰裂生肌乍腐朽厥狀難縷

陳我身總淵藪或倦爲鴟蹲或叫作鯨吼甚者日僵卧

衾裯藉之茹其氣所熏蒸掩鼻指勞拇扶杖強起行不

任牛馬走豈特自懊惱憂勞到老母經月不出門問慰

謝親友詎無脫然時奈何時則偶忽忽迄今茲我年二

先大父多時
及先生云係
皮癬頭項無
源

十九嗤彼巫尼言夙孽鬼爲咎竊見他人膚光瑩美如
琇亦嘗患瘡痍旋愈發惟苟豈伊窮鬼族於我苦相守
粥糜酒瀝街船草車結柳揖子從此歸深山或大湫昨
者夜氣靜浮箭子交丑夢作天衢遊軒軒得老叟雲冠
映霜袍玉堂啟金牖慰我無驚疑食我如瓜棗背走切佐
以千歲桃益之船大瀉在世何所苦多謝殷勤叩既敷
以丹藥復醉以醇酒視聽返杳冥坎離合牝牡導引服
食方稽首默領受自此百疾瘳兼可得老壽瘡乎縱有
鬼還能相困否

答南湘招看黃葉之作

溪南近遠六峰排暇日招尋許過偕肯遣旁人呼賸客
便思隨意蹋欒鞵翠微徑轉陰晴異黃葉秋深旦夕佳
山水登臨吾輩事不勝搖落感吟懷

采蓮曲

秋漲初生水拍堤高荷如蓋覺船低隱隱聞歌莫知處
蓮東不在定蓮西

聞某邑修志

志乘千秋業文才史學兼纂修良不易恩怨定無嫌尚
恐前聞佚多將近事添誰能任搜討未可棄幽潛

螺羸

寂寂當秋日勞勞念小蟲細腰依硯側纖響出書叢負
子宜桑上營房慣筆中抱持雙翅捷寄託一丸蒙泥重
憐微質窩深畏厲風自矜傳語密終羨肖形工別有黿
鼇化羞如蠶蠋窮不妨來往便撲逐慎兒童

海鹽遊天寧寺

海城環綠濃作藍遠山靉靄烟生嵐主人要客理遊屐
前朝古寺郊西探時維三月氣恒暖短髮禿頂風鬢鬢
出門始快景物好禽聲花影春光涵招提閤麗忽在望
豈有妙悟來相參玲瓏鐵堦側徑樹模糊石碣巖牆嵌
萬物向榮悉自得禪房花木彌幽耽浮屠七級昔曾到

雕檐漆柱咸梗楠上窮碧落幾百尺倒影下入潛蛟潭
突如妖火悉焚燎過客太息空誦誦熟羊胛項判興謝
更歷久遠情何堪人生得樂且須樂何爲埋首成書蟬
不見楚石腐心力芊芊碧草叢荒龕一僧清癯雅愛客
煨松煎水延清談怪我戴顓劇相似聽鷗乃不攜雙柑
驟憐九十忽復盡屈指芳日纔餘三吁嗟賤貧固有分
欣逢盛世身爲男年年但得快遊賞天之於我恩殊覃
忻然詠歸晚城靜聖賢急索同沉酣月明星稀烏欲栖
垂楊垂柳青穆穆

湘中

蘭榼荃橈一望中如何未卜此心同淚留叢竹他時怨
情逐湘波九轉通吹徹參差思遠道歸來環珮憶虛宮
芳洲杜若如堪采可奈兼天浪與風

雜感

幽蘭體高潔本是王者香何爲當階除偏仄行徑妨揮
鉏斬根荇情暴事則常寄託偶不慎遂令生意戕昔聞
周茂叔野草容叢長不逢知己愛晦迹庸何傷君子識
其道寧爲空谷藏

亭亭此何樹枝葉交扶疎獨立負生意傷我牆東居凌
晨朔風厲吹葉盈堦除發皇良不易一掃無留餘盛衰
變倏忽舊觀今何如嗟彼暮歸鳥啾啾悲歛歛萬物各
有感惻愴寧獨余

鳴蜚去戀戶病葉辭舊柯清風淒以厲旭日澹不和幽
栖屏塵鞅獨寐歎也歌昨夜一尊酒斟酌恒苦多美人
隔秋水憂懷夫如何

夢中作贈陳公

并序

陳公諱山菽山東人宋季仕爲浙東某邑丞元
兵下江南拒戰赴錢唐江死戊辰歲暮公見余
夢中者數夕贈之以詩一字不忘爰存以志異
云

一旅橫江戰霧昏孤忠留得至今魂獨嗟史策遺名氏
何處桑麻長子孫正氣遙同柴市烈怒濤猶逐伍胥奔
祥興逸事誰能記更駐靈旗與細論

水仙謠 并序

陳公言已受天職爲水仙矣作水仙謠以紀之
水晶宮殿水仙宮翠旂千尺揚天風儻忽銀濤涌仙馭
鯉魚鼓鬣騰脂紅海月孤明老蛟泣三日江潮斷呼吸
剗蛟玉劍光芒寒神到厓山氣於邑

病中口占

已是迎春後寒威爾許深虛聞陽氣轉不入病夫衾

黃鵠辭

翩翩雙黃鵠頡頏鳳凰姿振翮天衢間結巢長松枝辛
苦翼鵠卵雛見開心眉罡風颯然振雄飛忽爲摧寡鵠
矢不雙顧雛中銜悲哺雛願雛長雛長毛羽奇覓食供
鵠母翱翔去天涯朝采楸桑椹暮獻崑崙芝鵠母語鵠
子幸留相偎依安能垂老年與我長睽違至哉阿母言
使我中心哀謹謝傳天侶請歸從此辭

丙寅花朝

屋角寒梅一樹斜肯招翠羽到山家東風狡獪今年甚
二月中旬未試花

先生世居南塘之許
家衛後遷居項家
灣晚仍居南塘老
屋門外樹旗杆二
即雲省橋路之宅
也今已為墟矣

雨窗

漾葭春水碧盈灣自課青猿早閉關
村巷蕭條人事罕偶然陰雨即深山

鄰樹

西鄰有好樹夾門繁成行柯葉修以密
衆鳥所託藏清陰拂我几秀氣披我牀
稍令暑威却不礙纖阿光眠看亦坐對
久假成渾忘當時種樹人豈識叅天長

客散

客散暑氣清凉蟾轉蕉葉露下不聞聲
流螢夜深溼

九日登烟雨樓

信美登高節名樓水一方烟中沉曉磬
城角渡秋航萬木霜初隕雙湖雨最涼
倦眸真自豁凝望極蒼茫

雪後懷耕隱先生

茅堂遠背市積雪抱冰乾幾日無人到
窮居一倍寒掀髯排瑣屑燒葉讀叢殘
未見炊烟續袁安卧亦難

羞墓吟

君行歌妾負薪不富貴徒艱辛君獨行
妾更嫁飢復寒古塚下策駟馬乘高車
除道路行次且夫雖新不如故君成名
一何暮蒿蘿與松柏相見不得附覆水
縱可收破甌寧復顧後園沉沉妾死所
墓草千春可憐汝野花

指史朱買臣妻以
崔美安宿字美求
去遇人不時後為子
守金務印馬亡牧載
之以歸段於署吏言
是而世之咏羞墓者
人皆一詞侯改

落盡無歸處

齋中偶然作

餅供墨寫皆精絕兩兩梅花位置佳
試向南枝問消息
最愁風雨落空階

殘雪籠檐室轉虛春陰黯黯閉門餘
病來謝客閒如鶴
小坐真成靜者居

艇子

艇子猶堪兩鄰容何如泥濘獨支筇
攀餘轉愛官橋柳
飯後初聞野寺鐘中酒情懷山欲倒
播琴時節雨頻逢
遠投溪閣舒清嘯隔浦調箏悵舊蹤

泊烏鎮

烏鎮連青鎮長橋接短橋含愁人弄笛
買醉客停橈世
味寒潮淺交情落葉凋誰能獨不寐
風雨可憐宵

野渡

衰柳蕭疎古渡前人家岼岼隔秋烟
夕陽欲隨櫓聲雜
半是撈蝦放鴨船

歸安王明府席上送公子思深歸海陽

酒盡離筵上帆孤震澤邊湖雲一以散
霜月幾時圓真
作還家計翻吟陟岵篇岱宗登眺處
怊悵隔吳天

白雀寺

白雀寺前木葉飛涼風吹薄遊人衣前溪月上遠砧動
夜色滿山僧未歸

游峴山

襄陽有名山勝蹟迴未到茲峰快同呼出郭事幽討日
暇多同人身輕豈須轎布鞵青行滕筇枝輔騰趨石徑
步才下風亭勢孤峭娟娟萬竹林轉入轉窈窕俄焉躋
其顛得意欲狂叫逶迤澄近矚豁朗恣遐眺碧浪潔可
漱蒼山靚疑笑蕭瑟宜秋冬清遠入懷抱手將柳下援
頭肯巢父掉感彼襄沔遊頽然接羅倒

窪樽

馬首秋聲雁幾行湖山已是十分涼停鞭愛就窪樽坐
吹面風來酒氣香

明霞墓

女郎墳碣繡寒苔霜壓叢蕪慘不開筆墨有情天亦老
珮環無響月仍來高樓西北虛粧鏡孔雀東南惜賦才
回首臨清歸路遠吟魂夜夜杜鵑哀

天聖寺壁間管夫人畫竹同龔若川作

大家清影寫琅玕梵刹秋陰古壁寒絕勝鷗波舊亭子
墨華猶爲報平安

暫歸里門同人小飲

鳴蜩寂寞感秋槐暫喜壺觴集舫齋
佞面不曾真我喪坦懷終覺故人佳
溪風送客歸如寄夜雨生涼坐欲挨
那得晨曦迴霽色讀書臺畔躡芒鞋

池上

蓮葉東西漠漠秋方塘古木映寒流
破窗一夜霜風緊吹上蘆花盡白頭
細浪叢蘆一片風衝烟拍拍下鳧翁
擊琴人去斜陽盡領畧殘秋有釣公

碧浪湖

水郭烟涼泳冠鳧銜不橋首峴亭孤
扁舟且住爲佳耳

紅樹青山碧浪湖

自題蘋洲擊汰圖

雪水藍拖鏡面平汀洲日暮不勝情
烟波無際客孤往春思江南一夜生

蘋葉蘋花相與多船頭打槳水微波
一雙翡翠忽飛去攜手月明何處歌

送龔詩愈還錢塘因懷若川

如馬帆張客去休菰蒲獵獵水波秋
異時獨酌烏程酒何地同乘青翰舟
漸識雙丁皆好士每因大陸憶東頭
六橋晴雪西湖曲定勝花宮看竹遊

贈喬覲宸

春入烏程凍未消
明窗樽酒雪花飄
不知昨夜西堂月
夢落紅闌第幾橋

題趙子固水仙畫卷得水字

安定有賢孫
人品澹如水
廣陳埋幽蹤
貞吉坦道履
政績豈不佳
何時忍言仕
胸中萬卷書
筆墨自精理
畫作水仙花
標格乃如此
吳興亦天潢
新恩被金紫
遺民異朝貴
濯坐寄遙旨
畫品固大家
高此或卑彼
急洗寒具手
展玩未能止

惠山詠竹茶爐

秋聲小閣久榛蕪
好事流傳有竹爐
舊物百年猶在眼
後來橫幅更誰圖
閒吹活火疎風入
細瀹名泉古鼎殊
安得吳興能仿手
都籃分與伴菰蘆

坐南湘書齋懷其在楚

白下游纔息湘中
信轉疎稍聞工楚
調未可計安居客
夢竹無恙歸期燕
不如從來吟嘯地
寂寞子山廬

風帆

落帆步外峭帆開
柔櫓無聲似箭催
穩趁橫風齊轉索
斜陽半幅兩頭來

靜照堂懷兩蘇公

招提古僧院院古堂亦古名勝不常好風月竟誰主緬
懷好事僧乞題徧堂廡三十六詩雄如酒中大戶眉山
蘇兩公才氣跳龍虎豈當失意時閣筆猶鬱怒我來弔
遺蹟何處捉譚麈從之已莫見衣上漬塵土獨立斜陽
明新綠宿春雨

胸省二集詩稿約千餘首親筆塗乙尚未刊行
今藏小菴仙居

周翰書也

